



40868

Mag. St. Dr.

P

supplicium
Dis. Ortae scriptum responsum.
1644.

lonia

Maied

libellum

fur Ewanga

Test. 3244



40868

I


SACRÆ REGIÆ MAIESTATIS
POLONIAE

^{et}
S V E C I A E &c.
VLADISLAI IV.

AD LIBELLVM SVPPlicem,
ab Ordinibus Euangelicis,

Orlæ scriptum,

RESPONSVM.



Anno M. DC. XL. IV.

6. VII. 24

SAEPT REGIE MAESTATIS
POTONIAE

SVETIAE

VLADISLAV IV

AD LIBERVM SVPPLEVM

Ab Ordine Evangelicis

Ab Ordine

RESPONSVM



40868
I

Anno M DC XLII

VLADISLAVS IV.

DEI GRATIA

REX POLONIÆ, MAGNVS DVX

Lithuanix, Russix, Prussix, Masouix, Samogitix, Liuanix, Seuerien, Smolenscen, Czernichouien. Nec non Suecorum, Gotthorum, Vandalorumque Hæreditarius REX.

Regni Nostri, & M. D. Lithuanix, & Prouinciarum eis adnexarum Incolis, Augustanæ & Reformatæ, vt vocant, Confessionis, Gratiam Nostram, &c.

Illustres, Magnifici, Generosi, Nobiles, Spectabiles, & Eruditi Viri, Sincerè Fideliter Nobis Dilecti.

ALtiùs pectori Nostro insedit publicæ salutis cura, & concordix in animos omnium inducendæ desiderium, quàm vt morâ languescere, aut aduersis quibusuis obstaculis intercipi possit. Ille ipse communis boni Amor, quem in magnis successibus Orbi ostendimus, promouimus victoriis, latè propagatâ per omnes Regni Nostri Prouincias pace, fundauimus; & adhuc perpetuis sustentamus laboribus; quietos Nos esse non patitur, quin saluberrima consilia, inter varios difficultatum flexus, prosequamur.

Didicimus hanc quærendæ tranquillitatis constantiam à Maioribus Nostris: quorum dulce in tractandis subditis studium, nulli temporum decursus lassabant, nulli frangebant obices. Ne suo muneri deessent, spem ab ipsis impedimentis, robur à periculis, accipiebant.

Hos domesticos cordis Nostri stimulos, Præsules quoq;
Catholici accuunt plurimum, qui Christianæ charitatis vi-
scera nuper omnibus aperuerunt: & toto animi viriumque
nisu, id vnum iam agunt. Nobis strenuè collaborantibus, vt
Religionis vnitatem & pacem, summum Ecclesiæ Patriæq;
bonum, postliminò reducant. Cum verò intelligerent,
alios pientissimos conatus non proficere, viam illam libe-
ri & fraterni Colloquijs, toties à vestris integro iam sæculo
expetitam, magno charitatis apparatu, patefaciunt; in spem
erecti, obtineri fortasse posse per paucos, quod expetere
debent vniuersi: vt extinctis tot opinionum odiorumque
dissidijs, omnes tandem in eandem Sententiæ & Amoris
vnitatem conspirent, & iterum vitam spiritumq; ab vno
eodemq; Ecclesiæ corde ducant vnanimis, qui in eodem
Patriæ sinu sese amplexantur, vt Ciues.

Quod præclarissimum & saluberrimum Prudentiæ & Pie-
tatis Christianæ consilium, vobis nuper per repetitas lite-
ras expositum, non displicuisse, atq; etiam magnis laudibus
& plurimâ gratiarum actione dignum visum esse, non sine
maximâ animi Nostri voluptate accepimus. Denique non
difficili, neq; frigidâ, voluntatis Nostræ acceptatione, quam
ex vestris, tum literis, tum nonnullorum Nuncijs cogno-
uimus, non mediocriter vota Nostra excitatis.

Neque retardant Nos, quæ in quorundam literis, calen-
tiore, quàm optâsemus, affectu, & calamo deproperata vel
eorum aliquem à proposito scopo abripere visa sunt, vel Ca-
tholicorum lenissimæ Charitati (cuius Nostra, & Synodica
Episco-

Episcoporum epistola testis est) vehementiorē, quā res postulabat, impetū importunē opponere. Verū ea, quæ dulcedinē curarum Nostrarum distemperare poterāt, libenter præterim⁹, & ab alijs præteriri volum⁹: & ita rem agimus, ut constet Orbi Christiano, Pacē sincerē quæri per viam pacis.

Extinctis ergo, in ipso statim cinere, nouorum irritamentorum scintillis; ea tantū sectamur, quæ vos ipsi quoq; in spem moderationis, studiumq; pacis & concordiaē flectitis.

Itaque placet Nobis sincera propositi Nostri æstimatio, quam ex Regalis Officij interpretatione collegistis; Placet memoria libertatis, cuius pulcherrimum decus, ornare concordiaē, laboramus; Placet promissa ad negotium Religionis tractandum promptitudo.

Et cum tot sint, quæ Nos ad susceptæ causæ prosecutionem magnoperē inuident: illa ipsa tamen prouida vestra solertia, quæ iam, vnde diuersæ opiniones componi possint, ostendit, auxilia ad firmandam veritatem suggerit, modum agendi, totiusque actionis pro parte vestra ordinandæ, designat, suprāmodum Nos in instituto confirmarunt.

Sub tot propensionis vestræ argumentis, facillimum Nobis fuit, vltiora vestra desideria intelligere; & fauorem Nostrum Regium vestris petitionibus inclinare.

Libenter quocirca, Terminum congressus & colloquij, Torunij in Ciuitate Nostrā Regiā restaurandi, in Anni sequentis, qui est Salutis Nostræ 1645. Mensis Augusti, diem vigesimam octauam, styli Noui Gregoriani, promouemus: ut omnem interea doctrinam, consiliaq; ad commune re-

conciliationis nomen disponere, & eruditos viros ad ponenda pacificationis fundamenta designare valeatis.

Proderit etiam, tam ampli spatij indulgentia, ad contingendam celerius amicæ allocutionis metam: cui Nos quidem trium Mensium cursum assignamus (quamuis pro tam amplo negotio angusti limites non nemini videri possint) sed illa aut citius occurret, si vacuo hoc tempore plus disceptationis, inutiliumq; tricarum, sepositum fuerit, aut poterit ex partium consensu proferri, vt ad instruendum, labori, veritatiq; amplius aliquantum liceat.

Quamuis autem Nobis placeat magis, domesticā quietem per subditos Nostros potissimum tractare, ne euocata Exteriorū industria, quæ iam lites grauissimas alibi sustinet, tranquillitati Nostræ aliquid detrimenti afferat: vt tamē præsentī negotio omnē opportunitatē prouideam⁹, aliquos aliunde euocari posse, benignè annuimus. Volent illi, dubio procul, quamuis longis Regionum suarum dissidijs innutriti, pares vobis, Nostræq; paci, animos assumere, & omem sententiarum diffensionem, Regni Nostri genio, temperare.

Vt autem vniuersi & singuli, tempestiuè intelligant, paci & securitati suæ, in itu, redituq; opportunè prouisum esse; Nos vndequaq; planissimo rerum progressui consulētes, sine dilatione & morâ, Fidem publicam, quam Saluum Conductum nuncupant, dandam & concedendam esse duximus: quemamodū, tenore præsentīū, eandem omnib⁹ & singulis, qui ad tractandum hoc sacrum Recōciliationis negotium, vadelibet, legitimè à sua parte, vel à suæ partis moderatorib⁹,
sub

sub Augustanæ & Reformatæ Cōfessionis nomine euocati,
vel destinati fuerint, clementer damus & concedimus; & vt
integrè ac tutò, absq; omni impedimento vel metu, Toru-
nium adire, ibidem tempore constituto manere ac morari,
& præmemoratum Reconciliationis negotium (iis legibus
& conditionib⁹, quas ex legitimo & vnanimi præsentium,
partiumq; consensu, & Nostrorum Senatorum qui præsen-
tes aderunt, assensu, sanciri oportebit) tractare; & demùm
confecto integrè, vel ex parte, eodem negotio, liberè &
securè abire, & ad sua redire possint, plenissimam verissi-
mamque securitatem, benignè impertimur.

Neq; verò auctoritatem Regiæ Nostræ præsentia, huic ne-
gotio magnoperè necessariam arbitramur; cùm per Nostros
vtriusq; Ritûs Senatores, quos iam designauimus, securitati
prouisum sit: & à vestro potissimùm consensu, optatissima
in Fidei vnitatem conspiratio pendeat. Sub horum præsi-
dio, fas erit constituere è vobis moderatorem, qui se intra
vestræ partis fines contineat. Fas erit voce & scripto ad
arbitrium agere, tempora colloquendi ex negotij vtilitate
amplecti, proposita aut conciliata, in publicam aliorum
notitiam, scripto vel Typo, ex pacto deferre.

Ex hoc Nostræ voluntatis Dignationisq; testimonio, iam
profectò intelligitis ipsi, quàm Nobis gratum sit, singula ad
spem optimi exitûs disponere: quam Catholicis promptum
nullâ diritie offendere. Non illi vos tanquam reos, ad Tri-
bunal vocant, vt edictis suis inuitos damnent: sed velut eiuf-
dem Reipubl: Ciuibus, pacatam Colloquij Fraternitatem
offe.

offerunt, quâ liceat ad consensum vsq; sensim progredi, & tandē in vnum Christi Corpus coalescere. Iam se ad æquilibrium, quantum licuit, & præsens negotiū exigē, miserrunt; quò sanctius vtiliusq; animorū euadat comitibus. Neq; vos, vt prudentissimi estis, plura ab illis extorquebitis; nè dum eos ab vno Capite summo retrahere nitimini, iam secessionem non conuictis obtrudere, & in precium paruæ pacis, magnum dissidium exigere videamini.

Agite quocircâ, sincerè fideliter Nobis dilecti, atq; virib⁹ totis ad stabiliendâ pacis integritatē aspirete. Ipsi vos in manibus calculos tenetis, quib⁹ firmatâ iam sæculo vno discessionem emēdetis. Quod cū feceritis, non iniurij in Antecessores vestros, qui primi vetustissima credēdi vincula reliquerunt, sed vindices illorū eritis Maiorū, quorum institutionē proscripserūt posterij. Si illis honorificū fuit, aliquando in gremio eiusdē Ecclesiæ vixisse, quomodo vobis probro erit conat⁹, quo ipsorū reuerentiam, Fideiq; hæreditatem, in antiquâ diuturnaq; sentiendi consuetudine quæretis?

Vtinam verò, quod vnicè vouemus, & à Deo pacis ardentè exposcimus, Nostri, vestrisq; desiderijs omnia feliciter respondeant! cederet, dubio procul, ea res CHRISTO Regum Populorumq; Regi in Christiani Regni decus; Reipublicæ in securitatis, solidæq; pacis beneficium: quæ duo nobilissima commoda, Nos in tam præclari operis molitione studiosè intendimus. Interim Sinceritates & Fidelitates vestras benè valere cupimus. Dat. Varsaviæ 1. Decembr. Anno Salutis, 1644.

VLADISLAUS REX.

&
ili-
ife-
n.
bi-
ni,
m.

ib-
na-
ef-
te-
rc-
ru-
an-
ro
n,

n-
er
e-
u-
o-
e
es
or.

b. n.
iam
ne



Biblioteka Jagiellońska

sidr0004231

